

東國通鑑 九

漢書門	二三八	函號	架冊	五七
-----	-----	----	----	----

內閣文庫	漢書	二三八	函號	架冊	五七
------	----	-----	----	----	----

內閣文庫	
番號	漢 2338
冊數	57 (10)
函號	285 29



Kodak Gray Scale




A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak









東國通鑑卷之九

新羅紀



諱法敏太宗武烈王長子母文明王
后庾信之妹也姿表英特聰明多智
略在位凡二十年一統後十一年

巳巳
九年唐摠章春正月以僧信惠為政官大書

省○帝遣僧法安來末磁石○二月赦教曰
往者國家間於兩國北伐西侵暫無寧歲戰
士曝骨積於原野先王愍百姓之殘害越海

請兵本欲平定兩國雪累代之深恥全百姓
之殘命百濟雖平高麗未滅寡人克承先志
既平兩敵四隅靜泰臨陣立功者並已酬賞
但念囹圄之苦未蒙更新之澤可赦國內罪
無大小悉皆放出百姓貧寒糶入米穀者待
有年償之只還其母窮歎尤甚者子母俱免
○高句麗庶子安勝率其衆四千餘戶來降
○夏四月唐移高句麗三萬八千三百戶於
江淮之南及山南京西諸州空曠之地留其
貧弱者使守安東○王遣級飡柢玠山等如

唐獻磁石○帝怒責王擅取百濟土地人民
王遣角于欽純波珍飡良圖謝罪○冬唐遣
使徵弩師王遣弩師仇玠山偕使赴朝帝命
造木弩射不過二十步帝問玠山曰聞在爾
國造弩射千步今纔三十步何耶對曰材不
良若取材本國則可矣帝遣使來材帝命玠
山改造射至六十步帝詰之對曰臣亦不知
其所以然殆木過海爲濕氣所侵歟帝疑玠
山故不盡技劫以罪而終不効其能

庚午

十年

唐成亨
元年

春正月帝許欽純還國而囚良

圖死于獄○三月靺鞨寇北邊王遣沙食薛
烏儒與故麗將延武率精兵二萬渡鴨綠江
與戰大克之斬獲甚多唐兵繼至我兵退保
白城○夏六月故高句麗大兄劔牟岑立高
藏外孫安勝爲王初劔牟岑欲圖興復收合
殘民至溟江殺唐官人及僧法安等向新羅
行至西海史冶島見故大臣淵淨土之子安
勝迎致漢城立爲君遣小兄多式等來告曰
我先主臣滅失道見滅今臣等得本國貴族
安勝奉以爲君願作藩屏永世盡忠臣等聞

興滅繼絕天下之公義也惟大國是望王處
之國西金馬渚

臣等按高句麗紀既曰王之庶子安勝率
四千餘戶投新羅又曰劔牟岑欲興復國
家叛唐立王外孫安舜爲主或稱庶子安
勝或稱外孫安舜其言抵牾未知孰是及
考新羅紀有云高句麗劔牟岑收合殘民
至西海史冶島見高句麗大臣淵淨土之
子安勝奉以爲君則稱王外孫者近矣然
其冊命之辭又稱先主正嗣惟公而已何

耶富軾之說彼此矛盾未可詳也

帝遣大將軍高侃爲東州道行軍總管發兵討安勝安勝殺劍牟岑來奔○秋七月王遣將襲取百濟諸城初唐平百濟置熊津都督府主之王多取百濟地遣使於都督府請和不從乃遣司馬彌軍覘我虛實王知其謀止彌軍不遣分遣諸將討百濟品日文忠等取六十三城天存竹旨等取七城文穎等取十二城○八月王遣沙飡金須彌山冊安勝爲高句麗王曰公之太祖積德立功子孫相繼

新羅文武王

開地千里年將八百至於建產兄弟禍起蕭牆釁成骨肉家國破亡宗社湮滅生人波蕩無所托心公避難山野投身隣國百姓不可以無主皇天必有以眷命先王正嗣惟公而已主祭非公而誰謹遣金須彌山等冊命公爲高句麗王公宜撫集遺民紹興舊緒永爲隣國事同昆弟敬恭兼遺粳米二千石甲具馬一匹綾五匹絹細布各十匹綿十五稱○倭國更號日本自言近日所出以爲名十一年唐歲亭春王發兵踐百濟田永遂與百濟

未辛

年唐歲亭

春王發兵踐百濟田永遂與百濟

人戰於熊津南幢主夫果死之○王聞唐兵
欲來救百濟遣大阿飡真功等守薤浦○夏
六月震興輪寺南門○王遣將軍竹旨等領
兵踐百濟加林城田禾遂與唐兵戰於石城
斬五千二百級獲百濟將軍二人唐果毅六
人○秋七月唐總管薛仁貴遣僧琳潤致書
於王其略曰先王開府謀猷一國展轉百城
西畏百濟之侵北敬高麗之寇年將耳順榆
景日侵不懼船海之危遠涉陽侯之險瀝心
萃境頓顙天門具陳孤弱明論侵擾情之所

新羅文武王

露聽不勝悲太宗文皇帝氣雄天下神王宇
宙扶傾救弱日不暇給哀納先君矜收所請
輕車駿馬美衣上藥一日之內頻遇殊私亦
既承恩對揚軍事契同魚水堅於金石一朝
大舉水陸交鋒駐蹕之戰文帝親行吊人恤
隱義之深也聖人下武王亦承家洗兵刷馬
咸遵先志數十年外中國疲勞帑藏時開飛
藹月給以蒼島之地起黃圖之兵今強寇已
清讎人喪國當應心誓不移中外相輔自然
貽厥孫謀以燕翼子良史之讚豈不休哉今

王遠乖天命近棄父言侮暴天時侵欺鄰好
守無所支進不能拒大小不祥逆順乖叙此
王之不知量也違君之命不忠背父之心非
孝一身二名何以自寧聽從橫之說煩耳自
之棟忽高門之基延鬼瞰之責先君盛業奉
而異圖豈爲智也又高麗安勝年尚幼冲自
懷去就之疑匪堪襟帶之重仁貴矜其傷弓
之羽未忍加兵恃爲外援斯何謀也皇帝德
澤無涯仁風遠洎遠聞消息悄然不信爰命
下臣來觀由委而王不能行人相問牛酒犒

新羅文武王

師遂便隱甲萑陂藏兵江口潛生自噬之鋒
而無相持之氣必其高將軍之漢騎李謹行
之蕃兵吳楚棹歌幽并惡少四面雲合方舟
而下依險築戍闢地耕田此王之膏旨也王
若勞者歌事屈而頓申具論所由明陳彼此
仁貴夙陪大駕親承委寄錄狀奏聞事必昭
蘇何苦忽忽自相縈擾嗚呼昔爲忠臣今乃
逆臣王以機晤清明風棟爽秀歸流讓之義
存順迪之心血食依時茅苴不易占休納祐
王之策也今遣王所部僧琳潤賚書佇布一

二王報書其略云我先王於貞觀二十二年
入朝面奉太宗文皇帝恩勅朕今伐高麗非
有他故憐你新羅攝乎兩國每被侵陵靡有
寧歲我平定兩國平壤已南百濟土地並乞
你新羅永爲安逸新羅百姓具聞恩勅人人
思奮大事未終文帝先崩今帝踐祚復繼前
恩頻蒙慈造兄弟及兒懷金拖紫榮寵之極
復古未有粉身碎骨望報萬一至顯慶五年
聖上感先志之末終成曩白之遺緒命將徂
征大莪船兵先王年衰力弱不堪行軍追感

新羅文武王

前恩勉強至於界首遣其領兵應接大軍水
陸俱進共平一國蘇大摠管留漢兵一萬新
羅亦遣弟仁泰領兵七千同鎮熊津大軍回
後賊臣福信起於河西取集餘燼圍逼府城
先破外柵摠奪軍資復攻府城幾將陷沒又
於府城側近四處作城圍守其領兵往赴以
解其圍遂破賊城復運糧餉使一萬漢兵免
虎吻之危至六年福信徒黨漸多侵取江東
之地熊津留兵一千往攻兵敗匹馬不返自
是熊津請兵日夕相繼遂莪兵衆往圍周留

城賊知兵少遂即拒戰兵馬失利而歸南方諸城一時搃叛並屬福信福信乘勝復圍府城且絕熊津餉道即募健兒問道救之至六月先王薨又承勅旨發兵北歸子在表經不能應赴含資道搃管劉德敏等至奉勅令我國供運平壤軍糧熊津劉搃管亦使來具陳府城孤危道斷糧盡遂共劉搃管攻拔瓮山開通道路若先運熊津恐違勅旨若專供平壤即恐熊津絕糧所以差遣老弱運送熊津選簡精強擬向平壤其往熊津者在途遇雪

新羅文武王

人馬殆盡至龍朔二年正月劉搃管共我兩河道搃管金庾信等同運平壤軍糧風雪洶寒人馬凍死所將兵糧不能勝致大軍既還我兵亦回飢凍死者不可勝數行至瓠瀘河嚴兵來追我先渡河幸勝而還熊津府城頗索穀種前後所送數萬餘斛南運熊津北供平壤叢爾小國分供兩所人力疲極牛馬死盡所貯倉庾坐見虛竭又留鎮天兵以時給衣都護劉仁願遠鎮孤城數被百濟侵圍我又遣兵解救天兵一萬衣食于我四年于茲

國家息澤雖復無涯新羅効忠亦足矜憫至
龍朔三年摠管孫仁師領兵來救府城我兵
亦敢同至周留城下時倭人來助百濟兵船
千艘泊于白沙百濟精騎陣于岸上我以驍
騎先破岸陣周留失膽遂即降下南方已定
回軍北伐任存一城執迷不降我軍欲還杜
大夫承勅欲與百濟共盟我謂百濟姦詐反
覆百端今雖共盟後恐有悔奏請停盟至麟
德元年復降嚴勅盟會之事雖非所願不敢
違勅乃於就利山築堽壇對勅使劉仁願歃血

新羅文武王

相盟山河爲誓畫界立封永爲疆界至乾封
二年閏大摠管英國公征遼某往漢山州遣
兵集於界首先遣細諜人覘候回言大軍未
到平壤且攻七重城以待大軍其城垂陷英
公使江深來云奉大摠管處分新羅兵馬不
須攻城早赴平壤即給兵糧遣令赴會行至
水谷城聞大軍已回我亦遂來至乾封三年
遣太監金寶嘉入海稟英公約束我來赴集
平壤至五月劉右相來繼蒞兵馬同赴平壤
某亦往漢城州點檢兵馬此時蕃漢諸軍摠

集蛇水男建出兵欲決一戰我兵獨爲前鋒
先破大陣平壤城中挫鋒縮氣英公更取我
國驍騎五百人先入城門遂破平壤克成大
功我兵士益云征伐已經九年人力殫盡兩
國之平今日乃成必當國蒙盡忠之恩人受
効力之賞英公乃謂我軍前失軍期及其人
朝反謂我兵無功又早列之城本是我國之
地陷於高麗三十餘年今還得之置官以守
又以此城歸于高麗夫我國自平百濟迄安
高麗盡忠効力不負天朝未知何故丁朝見

新羅文武王

絕至總章元年百濟渝盟越境侵犯又致書
云天朝修理戰艦外託征倭欲伐新羅至咸
亨元年六月高麗謀叛以殲留鎮朝官我欲
發兵先報熊津云高麗既叛不可不伐百濟
司馬楠軍來云發兵即恐彼此相疑宜令兩
國互相交質至七月入朝使金欽純等至將
百濟舊地惣令割還曾未數年一與一棄我
國臣民因不失望去年九月具事奏聞遭風
未達後百濟構讞我反叛前失貴臣之心
後被百濟之譖進退惟谷未申忠款使人琳

潤至辱書仰承摠管犯冒風波遠來海外理
領蒞使郊迎致其牛酒遠居異城未獲致禮
披讀來書專以我國稱為叛逆既非本心惕
然驚懼今略陳冤枉具錄無叛太陽雖不回
光葵藿猶懷向日摠管稟英雄之秀氣抱將
相之高材天兵未出先問元由緣此來書敢
陳不叛請加商量具狀申奏○置所夫里州
以阿淦真王為都督○九月唐將軍高侃等
率蕃兵四萬到平壤深溝高壘侵帶方○冬
十月遣級食當于等擊唐漕船七十餘艘獲

新羅文武王

郎將鉗耳大侯士卒百餘人溺死者不可勝
數以功授當于沙淦

申壬

十二年

唐咸亨二年

春正月遣將攻百濟古省

城克之二月又攻加林城不克○秋八月遣

將及唐兵戰于平壤敗績居烈州太監阿珎

舍死之先是高侃率兵一萬李謹行率兵三

萬俱至平壤攻韓始馬邑二城克之進兵距

白水城五百許步作營王遣將軍義福春長

等同高勾麗兵逆戰斬首數千級高侃等退

營石門之野義福等追之唐兵與靺鞨棄其

味陣擊之我兵大敗大阿飡曉川沙飡義文
山世阿飡能申豆善一吉飡安郡舍良臣等
死之被虜者二千入金庾信子元述爲裨將
欲戰死其佐淡凌止之曰大丈夫非死之難
虜死爲難若死而無成不若生而圖後効元
述曰男兒不苟生將何面目見吾父便欲策
馬而走淡凌鞚馬固止之諸將出蕪蕙嶺唐
兵追及之阿玠舍謂諸將曰吾年已七十是
吾死日也遂橫鞍突陣而死其子亦死諸將
潛行而還王謂庾信曰軍敗如此奈何對曰

新羅文武王

唐人之謀不可測宜使將率各守要害但元
述不惟辱王命亦負家訓可斬也王曰元述
裨將不可獨施重刑乃赦之元述慚懼不敢
見父遁於野○九月彗星七出北方○王以
向者百濟餘孽訴唐侵我事急不遑申奏出
兵拒之由是獲罪遂遣級飡原川奈麻邊山
送還兵船郎將鉗耳大倭萊州司馬藝云本別
州長史王益熊州都督府司馬櫛軍曾山司
馬法聰等軍士一百七十人上表乞罪曰臣
某死罪謹言昔臣危急事若倒懸遠蒙極救

得免屠滅粉身糜骨不足上報鴻恩碎首灰
塵何能仰酬慈造然深離百濟逼近臣蕃告
引天兵滅臣雪耻臣懼破滅自欲求存枉被
凶逆之名遂入難赦之罪臣恐事意味申先
從刑殺生爲逆命之臣死爲背恩之鬼謹錄
事狀冒死奏聞伏願少垂神聽炤審元由臣
前代以來朝貢不絕近爲百濟再虧職貢遂
使聖朝命將討罪死有餘刑伏惟皇帝陛下
明同日月容光並蒙曲炤德合乾坤動植咸
被亭毒好生之德遠被昆蟲惡殺之仁爰流

新羅文武王

翔泳倘降服捨之者賜全腰領之恩雖死之
年猶生之日非所希冀敢陳所懷謹遣原川
等拜表謝罪伏聽勅旨兼進貢銀二百三十
五兩銅二百三十兩針四百枚牛黃一兩二
錢金一兩二錢四十綜布六匹三十綜布六
十匹

酉癸

十三年

唐咸亨四年

春正月大星隕地震王憂之

金庾信進曰今之變異厄在老臣非國家之
災也王請勿憂王曰若此則寡人之憂益甚
矣乃命有司祈禳○以強首爲沙冷王曰強

首能以文辭致意於中國及麗濟二邦我先
王請兵於唐以平麗濟者雖曰武功而亦有
文辭之助焉則強首之功豈可忽也授是職
仍加歲俸租二百石○夏閏五月唐摠管太
將軍李謹行破高句麗餘衆於瓠瀘河俘獲
數千人餘皆來奔○秋七月太尉蔣幹金
度信有年七十九王震悼贈賻甚厚以軍樂
鼓吹葬之命有司立碑紀功初人有見兵士
數十人具器服自度信第彌泣而去俄而不
見度信聞之曰此必陰兵護我者見我福盡

新羅文武王

乃去耳吾其死矣後旬有餘日疾劇王親臨
存問度信曰臣願竭股肱之力以奉元首而
太馬之疾至此今日之後不復再見龍顏矣
王泣曰寡人之有卿如魚之有水脫有不諱
其如入民社稷何度信對曰臣愚不肖豈能
有益於國家幸者明上用之不疑任之不貳
故得竭心力成尺寸功二韓爲一家百姓無
二心雖未至太平亦可謂小康臣觀自古繼
體之君靡不有初鮮克有終累世功績一朝
隕廢甚可懼也伏願殿下知成功之不易念

守成之亦難親君子遠小人使朝廷和於上
民物安於下則臣死且無憾王感泣妻金氏
太宗王第三女有子五人曰三光曰元述曰
元貞曰長耳曰元望及庾信李元述來見母
母曰婦人有二從之義今宜從子爾既不得
爲子於先君吾焉得爲爾母乎遂不見元述
慟哭擗踊而不能去夫人終不見焉元述嘆
曰爲淡凌所誤乃至於此遂入大伯山後唐
兵來攻買蘇川城元述聞之欲雪前恥赴敵
力戰有功以不容於父母愧恨不仕終其身

新羅文武王

金富軾曰唐李絳對憲宗曰遠邪佞進忠
直與大臣言敬而信無使小人參焉與賢
者遊親而禮無使不肖預焉誠哉斯言也實
爲君之要道也故書曰任賢勿貳去邪勿
疑觀夫新羅之待庾信也親近而無間委
任而不貳謀行言聽不使怨乎不以可謂
得六五童蒙之吉故庾信得以行其志與上
國協謀合二土爲一家能以功名終焉雖有
乙支文德之智略張保皋之義勇微中國
之書則泯滅而無聞若庾信則鄉人稱頌

之至本不忘士大夫知之可也至於蒞童牧
豎亦能知之則其爲人也必有以異於人矣
臣等按自古英雄豪傑之士雖有非常之
才未必得有爲之君雖得有爲之君未必
得可爲之時有非常之才得有爲之君得
可爲之時而成不世之功者於度信見之
矣當三國鼎峙之時各自雄長互相侵伐
勢均力敵勝敗亦略相當然甲兵之衆土
地之廣羅不及麗濟只以地利人和僅守
疆城今日敗於濟明日敗於麗爲二國睥

新羅文武王

睥吞噬者殆無虛日其不振甚矣人心厭
亂思治天生武烈弘濟蒼生度信應期而
生遭遇之奇有同魚水以忠憤之心濟英
偉之略謀謨帷幄筭無遺策東征西討風
驅電掃所向無敵娘臂之戰毗曇之誅太
耶之捷義旗一揮而羣兇盡戮他如前後
數十餘戰未嘗敗衄捷音相繼功既不細
矣及其伐濟而義慈降伐麗而高城虜能
成統一之功使其君富有東韓之地使其
民永免鋒鏑之虞自是位兼將相身佩安

危者二十餘年屹然爲國家之長城豈非
所謂有其才得其君得其時而成其功者
乎况有始鮮終親君子遠小人臨絕之言
真得大臣告君之體其備歷艱危鞠躬盡
瘁功名忠節終始兩全如度信者求之新
羅九百年之人物亦罕有其儔矣嗚呼賢
哉

王遣大阿飡徹川等領兵船一百艘鎮西海
唐兵與靺鞨契丹兵來侵北邊凡九戰我兵
皆克之斬首二百餘級唐兵溺瓠瀘王逢二

新羅文武王

河死者不可勝數○冬唐兵攻高句麗牛岑
城降之○授百濟降人職

戊甲

十四年

唐上元元年

春正月改用新曆初奈麻德

福入唐宿衛學曆術而還請改用其法從之
○唐削王爵遣左庶子同中書門下三品劉
仁軌將兵來討先是王納高句麗叛衆又據
百濟故地使入守之帝大怒詔削王官爵王
弟右驍衛員外大將軍臨海公仁問在京師
帝立以爲王使歸國仁問懇辭不得仍策爲
鷄林州大都督開府儀同三司以仁軌爲鷄

林道大摠管衛尉卿李弼右領軍大將軍李
謹行副之發兵來討○二月王於宮內穿池
造山植花卉養珍禽奇獸○秋七月大風毀
皇龍寺佛殿○八月大閱於西兄山下○九
月王以僧義安爲大書者○封安勝爲報德
王○王閱兵於靈廟寺前阿漚薛秀真進六
陣兵法

乙亥

十五年

唐上元二年

春正月頒百司及州郡銅印

○二月唐赦王復爵先是劉仁軌破我兵於
七重城又使靺鞨渤海略我南境斬獲其衆

新羅文武王

仁軌引兵還詔以李謹行爲安東鎮撫大使
屯買肖城以經略之謹行三戰皆克王乃遣
使謝罪兼獻方物前後相屬帝赦之復王官
爵金仁問行至中路還入唐改封臨海郡公
然王多取百濟地遂抵高句麗南境爲州郡
及聞唐兵與契丹靺鞨兵來侵出九軍待之
○靺鞨寇阿達城城主素那死之素那自城
郡蛇山人其父沈那奮力過人蛇山境與百
濟相錯故互相攻擊無虛月沈那每出戰所
向無堅陣仁平中白城郡出兵往抄百濟邊

邑百濟出精兵急擊之士卒稍却沈那獨拔
劒斬殺數十餘人賊懼不敢當遂引兵走百
濟人指沈那為新羅飛將因相謂曰沈那尚
生莫近自城素那雄豪有父風初百濟既滅
漢州都督都儒白王遣素那於阿達城但禦
北鄙至是阿達城太守漢宣令民以其日濟
出種麻不得違令鞋鞞謀者認之歸告其首
長至其日百姓皆出城在野鞋鞞潛師猝入
城剽掠老幼狼狽不知所為素那奮刃向賊
大呼曰爾等知新羅有沈那之子素那乎固

新羅文武王

不畏死以圖生欲鬪者來遂奮擊突賊賊不
敢迫但向素那射之素那亦射自辰至酉矢
集其身如蝟遂死素那之赴城也以近敵國
留其妻在家及素那死人有吊者妻哭曰亡
人常曰大丈夫固當死於王事豈可卧牀死
家人兒女手平今死其志也王聞之流涕曰
素那父子可謂世濟忠義矣贈素那迎食○
秋九月薛仁貴以宿衛學生金風訓之父真
珠在本國誅死引風訓為鄉導來攻泉城將
軍文訓等逆戰斬首一千四百級取兵船四

十艘仁貴鮮圍退得戰馬一千匹李謹行率
兵二十萬屯買肖城我軍擊走之得戰馬三
萬三百八十八匹其餘兵仗稱是○王遣使朝
唐○綠安北河設關城又築鐵關城○唐兵
與契丹靺鞨兵來圍七重城不克小守儒冬
死之靺鞨又圍赤木城縣令脫起率百姓拒
之力竭俱死唐兵又圍石峴城縣令仙伯悉
毛等力戰死之既而我兵與唐兵大小十八
戰皆克之斬首六十四十七級得戰馬二百
匹

新羅文武王

子丙

十六年

唐儀鳳元年

春二月王命僧義相創浮石

寺於大白山○秋唐兵來攻道臨城拔之縣

令居尸知死之○冬十一月沙飡施得領艇

兵與薛仁貴戰於所夫卑州伎伐浦敗績又

進大小二十二戰克之斬首四千餘級

丑丁

十七年

唐儀鳳二年

春二月唐以故高勾麗王滅

爲遼東州都督封朝鮮王遣歸遼東安輯餘

衆東人先在中國諸州者皆遣與滅俱歸仍

移安東都護府於新城以統之滅至遼東謀

叛潛與靺鞨通○三月王觀射於講武殿南

十九年唐調露元年春修宮闕頗極壯麗

臣等按大舜兢業於四夷來王之後成湯倣懼於十一征無敵之餘晉武平吳而怠隋文平陳而驕古之聖君庸主其度量相去豈不遠哉文武之平定麗濟統合為一者大抵皆太宗恢拓之略度信贊助之力而在唐朝命將出師助順討逆之功蓋亦多矣既一之後王又自滿侈心遽萌納高麗叛衆據百濟故地敢拒天兵背德犯順

新羅文武王

為大邦讎坐見敗削可恥之甚也然無悔謝之色益長驕傲之念高宮室大園囿溺於禽鳥花卉之異玩物喪志迷而不復故雖能襲太宗之餘烈恢復疆域終無燕翼之謀貽及子孫自此以後亂賊相尋羅業日衰王之不能兢業倣懼自怠自驕者如是統一之治蓋味盡善云

秋四天主寺成○唐以金仁問為鎮軍大將軍行右武威衛大將軍

二十年唐末隆元年春二月以伊滄金軍官為上

大等○三月以外妹女歸于執德王安勝仍
賜金銀器雜絲百段安勝遣其將延武上表
陳謝

二十一年

唐開耀元年

春正月朔日無光如夜○

夏五月地震流星犯參大星○六月天狗落
坤方○秋七月朔王薨遺詔曰寡人運屬紛
紜時當爭戰西征北討克安封疆伐叛招携
聿寧遐邇上慰宗桃之遺顧下報父子之宿
寃自犯冒風霜遂成痼疾憂勞政教更結沉
痼運往名存奄歸大夜太子早薨離輝久居

新羅文武王

震位宗廟之主不可暫空太子即於柩前嗣
立且山谷遷貿人代推移昔白萬幾之英終
成一封之士徒費資財空勞人力屬續之後
十月便於庫門外庭依西國之式以火燒葬
服輕重自有常科喪制度務從儉約越七月
太子政明立上謚曰文武羣臣以遺詔葬東
海口大石上

權近曰葬者藏也臣子之於君父歿則必
以禮葬之者由其有不忍之心也斂之以
衣衾厚之以棺槨凡付於身者必誠必信

無使玉親膚焉欲其不速朽也火葬之法
出於佛氏其說以焚後禽獸猶以為罪極
言其報應之慘至於人死則必欲焚之其
視至親不如禽獸其逆理悖常甚矣後世
之人惑於其說而不察也至有以至親之
屍付之烈焰之中而焚燒之其為不仁至
此極矣今文武王遺命火葬一時臣子從
其亂命而不知其為非至於孝成宣德既
燒其柩又散骨東海邪說之惑人可勝痛
哉

新羅神文王

帝遣使冊王為新羅王○八月蘇判金欽突
波珍倉與元太阿倉真切等謀反伏誅欽突
王妃金氏之父也○逆黨兵部令伊倉軍官
伏誅○唐名高勾麗降王滅還印州

神文王

諱政明字日焰文武王長子母慈義
王后在位十一年

午壬

二年

唐末淳
元年

夏六月立國學屬禮部置御下

人又置工匠府監一人○高勾麗王滅衣於

印州唐贈衛尉卿詔以尸至京師葬頡利墓

左樹碑徙其人於河南隴右諸州貧者留安
東城傍舊城往往爲國矢所沒餘衆散入
鞞及突厥高氏遂絕

未癸

三年

唐弘道元年

夏五月納一吉餐金欽運女爲

妃初王爲太子納金欽突之女爲妃無嗣後
坐父見廢至是王將納欽運女爲妃先遣伊
養文穎波珍養三光爲聘又遣大阿養智常
賜幣帛十五輦米酒饌具百三十五輦組百
五十車遣伊養文穎愷元冊金氏爲妃命波
珍養大常孫文阿養坐耶吉叔等谷率其妻

新羅神文王

與沙梁及梁二部婦人各三十迎之左右侍
從甚盛○冬十月徵報德王安勝爲蘇判賜
第宅仍賜姓金○彗星出五車

甲申

四年

唐中宗嗣聖元年

冬十月流星綴橫徹夜○十

一月遣兵討金馬渚賊平之弟監逼實赤騎
監金令胤死之先是安勝族子將軍大文據
金馬渚謀叛伏誅餘衆殺官吏據報德城以
叛王遣將士討誅之徙其人於國南州郡以
其地爲金馬郡初沙梁人奈麻驟福有子三
人長夫果仲驟徒季逼實夫果驟徒曾死於

王事逼實將行語其妻曰二兄既死王事名
垂不朽吾雖不肖何獨畏死而苟存乎今日
是與爾死別也及戰獨出奪擊斬殺數十人
而死王嘆曰驟徒能知死所而激昆李之心
夫果逼實亦勇於義奮不顧死顧不贖數皆
贈沙飡令胤乃級飡盤屈之子生長世家以
名節自許將行語人曰此行當立名以報宗
族朋友及至極岑城南七里賊將大文結陣
待之士卒皆曰今兇黨如巢燕鼎魚無持久
之心出萬死僥倖一戰語曰窮寇勿迫疲而

新羅羅神文王

擊之可也諸將然之皆引退令胤獨憤然欲
戰從者曰今諸將豈皆偷生惜死者哉將
賊便也子獨欲戰可乎令胤曰臨陣無勇禮
經之所誠有進無退士卒之常分也丈夫臨
事自決何必雷同遂赴敵力鬪死王嘆曰有
是父乃有是子其義烈可嘉贈賻有加

臣等按節義天下之大防所以扶天常植
人紀有關於世教甚大至如臨敵鏖戰徇
國捐軀者則其節義有以激志士忠臣之
意氣亦可謂殺身成仁者矣新羅自麗濟

構兵以來其俗以進死為榮退生為辱死
於王事者悉未縷舉曰貴山曰箒頂曰讚
德父子曰奚論曰訥催曰東旣曰竹竹曰
丕寧子父子曰金欽運曰穢破曰狄得曰
寶用那曰盤屈曰官昌曰匹夫曰阿珍金
曰素那曰金令胤曰日驟徒曰夫果
曰脫起曰仙伯曰悉毛此其童童者其餘
死節亦多百濟之亡只有階伯高麗之亡
無一死節者麗濟之節義頹壞如是安能
敵新羅哉然新羅自中葉以後亂臣賊子

新羅神文王

接迹當世賊萱之來公卿大夫婢顏奴膝
猶恐賣降之或後金傳之降不屈者唯王
子一人而已國安得而不亡哉惜乎新羅
全盛之時人人効死盡節其亡也無一人
委身全節者孰曰國家之興喪不係於忠
節之有無者乎

酉乙
五年 唐嗣聖
春三月置西原小京以阿食元
泰為社臣置南原小京徙諸州郡民居之○
奉聖寺成○夏四月望德寺成

丙戌
六年 唐嗣聖
春二月置州郡於百濟舊地以

泗水州爲郡熊川郡爲州置都督葦羅州爲郡武珍郡爲州又置石山馬山孤山沙平四縣○遣使如唐請禮典并詞章武后令有司寫吉凶要禮并採文詞涉於規誡者勒成五十卷賜之○授高句麗降人官爵有差○武后以高城孫寶元爲朝鮮郡王又以義慈孫敬襲百濟王其舊地已爲我國渤海靺鞨所分

庚
七年 唐嗣聖四年

夏五月賜文武官僚田有差

丑巳
九年 唐嗣聖六年

秋築西原京城

新羅神文王

庚
十年 唐嗣聖七年

春唐授金仁問輔國大將軍上柱國臨海郡開國公左羽林軍將軍

卯辛
十一年 唐嗣聖八年

春三月封元子理洪爲太子

太赦○唐以獻誠爲右衛大將軍兼羽林衛武后嘗出金幣賜善射者五人內史張元輔先讓獻誠爲第一獻誠後讓右王鈗衛大將軍薛吐摩支摩支又讓獻誠既而獻誠奏曰陛下擇善射者然多非華人臣恐唐官以射爲恥不如罷之ハハハ后嘉納來俊臣嘗求貨獻誠不答乃誣其謀叛ハハハ殺之武后後知其冤贈

右羽林衛大將軍以禮改葬

辰生

十二年唐至聖春武后遣使來言曰我太宗

文皇帝神功聖德超出千古故廟號太宗汝

國先生金春秋與之同號實為僭越須急改

之王語使者曰臣敢不惟命然念先王春秋

頗有賢德又得良臣金庾信一統三韓其功

業不為不多及薨逝一國臣民不勝哀慕追

尊之彌不覺相犯今聞教勅不勝恐懼願以

此上聞後更無勅○王嘗燕居引薛聰謂曰

今日宿雨初歇薰風微涼高談善謔可以舒

新羅神文王

鬱子必有異聞蓋為我陳乏聰曰唯臣聞昔

花王之始來也植之香園護以翠幕當春

而葳蕤凌百花而獨出於是艷艷之靈夭夭

之美無不奔走卜謁忽有一佳人名曰薔薇

朱顏玉齒鮮粧靚服伶俜而來綽約而前曰

妾聞王之令德願薦枕於香帷王其容我乎

又有一丈夫名曰白頭翁布衣草帶戴白持

杖龍鍾而步偃僂而來曰僕在京城之外居

大道之旁竊謂左右供給膏粱雖足巾笮儲

藏須有良藥故曰雖有絲麻無棄管蒯不識

王亦有意乎王曰丈夫之言亦有道理而佳
人難得將如之何丈夫曰凡為君者莫不親
近老成而與昵比夫艷而亡然而夫艷易合
老成難親是以夏姬亡陳西施滅吳孟軻不
遇以終身馮唐郎潛而皓首自古如此吾其
奈何花王謝曰吾過矣於是王愀然作色曰
子之言諷諭深切請書之以為戒遂擢聰高
秩聰字聰智父元曉嘗為沙門淹該佛書既
而反承自號小性居士娶瑤石宮寡夫人生
聰聰生而明銳既長博學能以方言解九經

新羅神文王


義訓導後生又善屬文○秋七月王薨謚曰
神文太子理洪立○武后遣使吊祭仍冊王
為新羅王輔國大將軍行左豹韜尉大將軍
鷄林州都督○置醫學博士二人教授學生
以本草甲乙經素問針經脉經明堂經難經
為業又置律令典博士六人敷宮典大舍二
人史二人○沙餐強首奉強首奈麻昔諱之
子初其母夢見人有角者有娠及生頭後有
高骨父以兒就示相者相者曰吾聞伏羲虎
形女媧蛇身神農牛頭皋陶馬口自古聖賢

其相有異今觀兒首角而又鷹相法面鷹無
好頭鷹無惡此必英物乎父還謂其妻曰兒
子骨法非常好養之及壯知讀書通曉義理
父欲試其志問曰學佛乎學儒乎對曰佛世
外教也願學儒遂就師讀孝經曲禮爾雅文
選所得愈高嘗娶治家女父母將以禮改娶
之強首不可父怒曰兒有時名以微者為偶
不亦恥乎強首曰嘗聞古人之言曰糟糠之
妻不下堂貧且賤非所恥也至是奉王禮葬
之賻贈優厚其妻盡供喪事之食欲還鄉里

新羅神文王

王聞之賜租百石辭曰妾賤者也夫在之日
受國息多矣今縱未亡豈敢再辱厚賜乎遂
不受而去

東國通鑑卷之九



身
錢
九

